

漁洋山人感舊集

草

感舊集卷十三

漁洋山人選

德州盧見曾補傳

申涵光十六首

涵光字和孟一字符孟號鳧盟一號聰山直隸永年人節愍公佳允之子有

聰山集

漁洋詩話申鳧盟稱詩廣平開河朔詩派其友穀岳張蓋劉逢源皆逸民也鳧盟之弟涵煜孝廉余爲誌其墓漁洋前集懷人絕句履平申大今詞傑未識容顏眼便青遠寄新

詩向隋苑懷人偏在竹西亭

說鈴申鳧盟五七言詩氣體極高老子尤喜其七言絕句含著淒淡使置唐人詩選中未知可與誰比今世說申涵光父節愍公盡節後以理學訓其兩弟皆立身

揚名涵煜字觀仲涵暉字隨叔

幾輔通志本傳涵光博學能文尤長於詩弱冠名噪三輔申開父殉難慟不欲生遂絕意仕進日事詩文晚年名益重與殷岳張蓋稱畿南三才子有詩文集及荆

園小語等書弟涵盼順治辛丑進士官檢討亦以文學有聲

雪中送酒與張覆輿

獨酌對曉雪忽念林下翁郊扉凍難開曠野多淒風古屋爨煙黑妻孥在其中老性

厭紛紜孤吟誰與同茅齋近寒水左右亂枯蓬飢鴻晝夜啼雲樹相蒙籠市遠村徑滑一醉安得逢分酒遣童稚擔荷喬木東與子遙對酌日暮衰顏紅

遣興

豈敢名高尚山園已定居數椽風雨外萬事死生餘避地尋丹訣傳家有素書天寒松酒熟日日溷樵漁

汎舟

簫鼓鳴榔去遙村起夕煙舟行紅蓼上人醉白鷗邊野興難羈束秋雲正渺然放歌天地闊溪月近人圓

雨後林慮道中早行

曉渡青泥坂秋花亂馬蹄不知山寺近漸覺遠村低萬事驚顰鼓孤雲入杖藜蘇門

高臥處爲訪碧峯西

赴伯巖招白函三侍御郝元直苑西柳王雨若劉津逮霍亮雅張覆輿殷伯牙

同集

別縣勞書札來當刈麥秋羣公俱在眼一笑卽科頭遠味江魚白叢陰竹嶼幽故交
存沒半敢忘及時遊

郡樓秋望

草際鳴蟲急蕭然窮巷秋閒看林外水獨上城南樓落日浮江莢西風動白鷗晚山
青欲近昨夜雨初收

初冬

日短天昏秋已過百年荏苒初冬時每恨于人何所戀卽今尋山亦不遲霸業徒傷

黑關壘仙蹤況近黃梁祠高車大冠俱腐草欲採寒巖青玉芝

答人

日日秋陰命筍輿故人天上落雙魚荷花未老村醪熟爲道無閒作報書

黃花谷

竹杖尋源入上方滿山櫛葉晚蒼蒼亂碑零落遊人少一道飛泉下夕陽

寄西山殷伯巖王都鄰張覆輿諸逸老

未遂幽棲學尙平出門空對遠山晴知君細酌秋雲裏也向朝曦指郡城

寄冀襄陽公治

河朔音書隔楚煙十年無淚拜啼鵲仲宣樓上休南望細雨蒼梧亦可憐

茅屋成

溪上新成屋數間柳花蒲葉滿松關醉來白眼西窗下臥看煙中馬服山

汎舟明湖

芙蓉橋下碧湖灣落日漁舟自往還倚杖獨尋高處望隔城煙寺佛頭山
女牆倒影下寒空樹杪飛橋渡遠虹歷下人家十萬戶秋來都在雁聲中
四郭山圍嵐氣昏竹籬疎樹一江村醉中見月忘風露夜半吹簫過水門

宿靈巖寺

遊屐初從泰嶽還石林斜日草堂閒上方鐘定無飛鳥一片秋聲葉滿山

張蓋十首

蓋字覆輿一字命士直隸永年人有張子詩選

分廿餘話張覆輿申臬盟友也嘗贈
申絕句草澤賢豪盡上書云云古

歡錄張蓋與殷岳申涵光友善鑿坏以居不與人接或痛哭長嘯人莫測也後發狂死申爲作傳刻
其遺詩二卷明詩綜詩話覆輿詩哀憤過情五言尤高簡畿輔通志本傳蓋爲諸生性孤介家

貧績學崇正時以次當貢太學不就母老饘粥不繼授
徒以養甲申後自閉土室中歲時一出拜母年六十卒

七里峽

朝下懸壺頂暮行寒峽中壺形猶迤邐峽勢已籠嵒豈假隨刊力當知造化功水聲
流太古石色聳遙空重碧涵砂礫深紅綴蘚叢暗崖廻北雪高岫阻南風山鬼宜幽
僻神魚老混濛依稀聞唳鶴彷彿見奔猱聞道瞿塘好常思濫瀕雄干戈妨歷覽舟
楫廢疲癰此谷聊堪隱前山幸可通杖藜五指外借騎廣陽東附葛緣明月披煙坐
晚楓回瞻長嘯處何異在崆峒

盧工部說楚中山水

說峽山垂座談湖水在襟幾時能到眼此物最關心戰伐周流阻窮愁老病侵酒中
聞勝事感動一長吟

谿村卽事

幕廳樹中行潺湲石瀨清野花開間色秋鳥落寒聲家住愚公谷書傳老伏生鄰人
自來往日見不知名

昭明臺呈襄陽諸公

楚郡蟠江腹危樓逼太清窗通高鳥過檻俯白雲生帝子留文字羣公列治平我來
戎馬際登眺獨含情

重陽後二日

重陽已過菊無花落木蕭條樹影斜童子學書收柿葉厨人浸酒拾松華張良辟穀
緣多病李耳逃名失世家筋骨卽今猶健在且隨令節泛流霞

登磁州南城有懷申臯盟

野老乘秋眺水城遠林疎雨屬微晴煙沈臺瓦迷銅雀雁入關雲度紫荊我欲湖山
隨浪跡君從今古定詩名年來知己皆離索海內何人識向平

漫作

玉盤漬墨可二斗高麗繭紙冰蠶紋醉來揮酒興不盡欲上青天寫白雲

孟亭

不見當年孟浩然魚梁渡口問漁船巖扉松徑空搔首沙岸如霜月滿天

與申子

草澤才賢盡上書奎章閣外卽公車我甘漁父因衰老獨有涵光是隱居

後湖中樂

桃花落盡柳花初重作蓮舟水上居已敕行廚烹野雁更催漁戶打官魚

殷岳十一首

岳字伯巖一字宗山直隸雞澤人陝西按察司副使太白子官睢寧知縣有

留耕草堂集

居易錄殷伯巖遺集留耕草堂詩一卷皆五言古體也殷生平不爲律詩申涵光序之云宗山不多作詩復不耐聲偶爲古詩數麗淵穆莽莽可敵萬夫宗山亦殷

字也予往見其詩史詩於國門集古鬱悲壯有橫梁之風河朔一奇士也曝書亭集殷先生墓志先生少踰弛爲於孝友與弟淵並負才名罷官後布袍卓帽還里所居鄉曰小嵒草屋三楹與申涵

光晨夕唱和相樂也先生爲詩自魏晉下屏不觀尤不喜律詩故生平所作惟五言古風一體莽莽然肖其爲人先生外和而內介遇田夫野老陶陶難處至見俗士面斥之未嘗假以色笑讀書必窮

義理其拒異端邪說尤力年六十八卒畿輔通志本傳岳父太白崇正時忤楊嗣昌坐法死獄中岳上書爲父乞骸骨比歸而京師已陷遂入西山與弟淵謀舉義事洩淵被害岳匿申涵光家得免

後客死福州

讀史

冒頓縱鳴鏑何有平婦翁齊虜窮計畫和親苟彌縫白登帝膽落事急聊相從官家
屈體貌四國少顏容貽謨累風俗邊鄙詎偃弓若淮陰而在不當歌大風

人言父子親安知不爲虎猛獸惜其雛步步生咻噢漢武好神仙方士正旁午志慮
旣回憫讒夫耦二五齒牙之爲猾荼毒於楷拏隸臣銜尊命兩宮無靖土以子盜父
兵苟圖脫罪罟九服無逃命望思亦何補

霞雪何將將日月皎光明鈎弋不可活奉車托微誠以是藐諸孤一旦寄阿衡朝舊
擢純篤攬轡見澄清帝星驚流電桐宮覆典刑公孫病已立草木亦知名世運惟轆
軻幸濟以忠貞妻孥怙烜赫得失苦縱橫禍福有所常操存舍則亡

遠略不可勤衆敵不可速老臣數軍實遂上便宜策留屯飭武備居民井田作罷騎
省度支致穀著威德羌衆以崩離我師過枕席當時訟盈庭便文多勾棘如彼九牛
尾度越鳥從測

朱紫亂粉墨今古不同治泥古以制今如以書御馬陳湯入絕域折首康居野一掃

谷和恥策勳蓋函夏振旅挫刀筆索瘕於苞苴棄大璫微細持論正侈侈匡衡忝宰
輔罔上而附下貳師多奧援挫衄錫純嘏嗟嗟郅支頭何如宛母寡

孤貴易失和露才亦瀕危當時賢過智抗稜長風規載禍日相餉幾令無子遺林宗
步高衢尙志不繁詞敬遇貴賤士壹之以坦夷明哲保其身可奉以爲師

聖人無常家一龍而一蛇仲舉獎王室名賢蔚東華相與張天綱抗節觸奸邪當時
王路險貽銜覆奔車庶幾無道愚踣頓貽咨嗟

亂門不可過懼以傷吾行亂世不可入懼以戕吾生哀閔憫先祚觀變於未萌蕭然
封壤堵獨立遺世情弟昆競驕僧與時爭權衡甘爲所凡愚囊括守其貞漸冉十八
載行者無埋名

登臨重九後秋容澹高旻籃輿陟前麓
欄檻葉紛紜初步艱黃峴行行已下陳
仰觀玉仗松聲拂諸天雲

石磴蹶高危仰見日觀峯赤丸湧蒼海
星河淡遙空天雞發先唱聲落野雞中
俯視羣山巔風色初冥濛

十載上太華春仲陟嵩高希夷夢未覺
子晉笙簫刁平眺西南雲轡車列旌旄
升茲玉女堂勞之以香醪

姜 梗四首

梗字鐵夫號桐栢浙江會稽人有曹山草堂飯犢居等集

漁洋詩話會稽姜鐵夫有句云青山吟鮑謝紅

燭寫莊騷 龔芝麓鼎華定山堂詩集送姜鐵夫詩東海姜公子詩名鄒下傳
朱琴森古調霜角警秋天酒罷登樓地燈深讀史年多情還涕淚官柳玉鞭前

偶興

出自城東北遂登歌舞山美人五湖去夕陽飛鳥還碧水縈裊帶名花似髻鬟至今
溪上石遺恨向人間

渡揚子江

風滿維揚郡帆飛江上船青山懷郭璞岸幘讀遊仙濤白蛟龍鬪天空日月懸此間
稱北府萬騎正鳴弦

過董昊

江郭梅花白來登春草亭讀書長日罷高臥衆山青沽酒邀田父攜鋤帶曉星他時
卜鄰並石上采松苓

贈劉輿父

海內詩名久年來酒力高青山吟鮑謝紅燭寫莊騷明月三秋興春風一布袍還期

秋浦上蓮葉汎吳舫

徐 緘十五首

緘字伯調浙江山陰人有歲星堂集

今世說緘喜出遊所至飭厨饌爭相爲歡四方請教日益輻輳第簡傲未能委曲隨世俯仰韋布軒

冕相形益驕每見之詩文以寄慷慨 安雅堂集伯調集序余少讀山陰徐渭文而好之輒慨然想慕其爲人余友施愚山寓書於余曰山陰有徐緘者渭之亞也余遣人招之竟不至比余罷官客湖岸而無險怪稟兀之態使其與渭同時白鹿表何足道哉 愚山集歲星堂詩序伯調與予論詩崖久其詩不甚可喜然魁梧自負當其研鍊匠心則堅金美玉無可瑕疵

幽州馬客吟歌

黃河自宜濁不妨濟水清女嫁自宜蚤孤眠損人情

女著七寶履郎眠綠熊席芙蓉出綠波相看那氣息

估客樂

自作樊鄧客不著揚州紵至今衣上淚多於道旁雨

巫山高

巫山何窈窕萬仞絕氛埃疊嶂雲無盡傾崖雨易來夢留千古憶賦竭一生才朝暮
情何限啼猿共此哀

覆陂嶺

匹馬日將曛春風滿袖雲嶺穿秦望脊花繞辨才墳宿雨千峯潤新畦亂水分如何
棲隱地豺虎尙爲羣

楊柳

風暖芸窗百慮生開簾翠捲萬條縈胡姬勸盡新豐酒羌笛吹來故苑情渭水清波
嬌婀娜白門烏鳥恨分明已從攀折悲遲暮誰信芳菲夢漢營

鏡湖竹枝

句踐城南春水生
水中鬪鴨自呼名
楊花飛遲雁飛急
郎進城時儂出城
水田衣袂道人妝
持觴從教月滿牀
沈水自薰檀供佛
無人知得兩般香

憶岳陽樓

樓壓孤城住天隨
九派流遠煙開夢
澤晴雁叫衡州軒
后古臺杳英皇斑
竹秋少年遊最數
風景未生愁

朝來曲

繡戶絢朝光
君王在前殿
借問菖蒲花
幾日還相見

寄書怨

欲題尺素書
昨夜秋風起
此去到巴陵
三千三百里